

اسم الله الولي | #معرفة_الله | د. أحمد جلال

أحمد جلال

بسم الله الرحمن الرحيم الحمد لله رب العالمين والصلاة والسلام على اشرف المرسلين سيدنا محمد وعلى اله وصحبه ومن تبعهم باحسان الى يوم الدين الكرام ما زلت معكم اسماء الله سبحانه وتعالى الحسنى وصفاته العلى - [00:00:00](#)

قلت لكم الانسان منا كلما ازداد معرفة بالله سبحانه وتعالى كلما اثرت هذه المعرفة اولاً في علاقته بربه سبحانه وتعالى اتنين ظهر اثر معرفة الله سبحانه وتعالى على سلوك العبد - [00:00:34](#)

يعني يوسف عليه الصلاة والسلام يوم ان دعتة امرأة العزيز لما دعتة اليه يوسف عليه الصلاة والسلام قال معاذ الله انه ربي احسن مثواي عرف ربه سبحانه وتعالى باسمه المنعم - [00:00:57](#)

ازاي ربنا سبحانه وتعالى انعم علي اذ اخرجني من الجب كيف ينعم ربي عز وجل علي بكل هذه النعم لما اتاه الحكمة والعلم ازاي بعد ما ربنا سبحانه وتعالى يمن علي بكل هذا - [00:01:17](#)

انا تعامل مع ربي المنعم بالوقوع فيما يغضبه فكانت معرفة يوسف عليه الصلاة والسلام ربه باسمه المنعم حاجزاً بينه وبين المعصية. بعدها بشوية انه لا يفلح الظالمون معرفة الله سبحانه وتعالى باسمه المنتقم - [00:01:34](#)

بكونه شديد العقاب لانه سبحانه وتعالى آآ ينتقم من الظالم فلا يمكن ابدا بحال من الاحوال من عرف ربه سبحانه وتعالى بهذه الاسماء انه يقع في معصية الله سبحانه وتعالى - [00:01:58](#)

فكان الشيء المانع المانع ليوسف عليه الصلاة والسلام من الوقوع في الخطأ معرفته بربه سبحانه وتعالى قلت لكم كمان كلما ازداد الانسان منا معرفة بربه سبحانه وتعالى ازداد قلبه طمأنينة وسكينة لهذا الرب - [00:02:16](#)

الانسان منا وعلى فكرة اكثر حاجة بتعجز اي ملحد انا بقاله في حياتي حتى المناظرات اللي انا شفتها ما بين الناس المؤمنة وبين الملحدين الذين لا يعترفون برب كنا دايماً بنسألهم هذا السؤال - [00:02:39](#)

طب انت لو واقع في مشكلة واقع في ازمة واقع في كرب الى من تركن الى من تركن لو انت في يوم بس من الايام كده واقع في ازمة كل الخلق عجزوا عن حلها. انت بتعمل ايه - [00:02:57](#)

والله يا اخوانا واحد من رؤوس الملحدين هنا في المنصورة قلت له الا تتمنى في لحظة ضعف منك وامام قوة آآ مشكلة من المشكلات اللي بتقابلك في حياتك الا تتمنى في هذه اللحظة - [00:03:15](#)

ان يكون لك ربا الها عظيماً قوياً قادراً تلجأ اليه والله بكى والله عيط وقال لي انا نفسي اكون كده بس قدم لي اله قدم لي دليل على وجود الله - [00:03:34](#)

هي دي اللحظة اللي دايماً كلنا بنحتاجها الانسان منا اذا عرف ربه تبارك وتعالى لجأ اليه او اوي الى ركن شديد كلمة لوط عليه الصلاة والسلام لما يعني ضاقت به نفسه - [00:03:52](#)

وضاق بقومه ذراعاه وقال هذا يوم عصيب سبحانه الله الانسان منا كلما ازداد معرفة بربه والله يا اخوانا لا يمكن بحال من الاحوال انسان منا يعرف ربه عز وجل ولا يطمئن قلبه - [00:04:13](#)

لا يمكن كلما ازدادت معرفة بربك في وقت ازمتك بحكم انك بشر بتخاف بحكم انك بشر بتضطرب ولكن بمجرد ما بترجع بسرعة ان لك ربا قوياً قادراً انت زات نفسك بتطمئن - [00:04:34](#)

لذا كلما ازداد موسى عليه الصلاة والسلام معرفة بربه كلما قل الخوف من قلبه حتى اذا كان موسى عليه الصلاة والسلام ومن معه

البحر امامهم وفرعون من ورائهم. قال اصحاب موسى انا لمدركون - 00:04:55

هي دي ده المعنى اللي انا عايز اوصل له. قال كلا ان معي ربي ها ان معي ربي سيهدين. انا لي رب هو وليي في الدنيا والاخرة هو الذي سيدبر لي امري - 00:05:13

هذا الرب الالهي العظيم لن يكلني الى نفسي. ولن يكلني الى الخلق سبحانه وتعالى. هو القريب هو المحب هو الناصر هو الذي يتودد لعباده سبحانه وتعالى انا طالما لي رب بهذه الصفات اخاف من ايه - 00:05:28

انا لي رب بهذه الصفات اخاف من ايه احد احبابنا الكرام ابنها بيتزوج وابوه حد مسئول كبير وهييجب بقى رقصات ومغنيين وهييجب ناس كتير جدا جدا جدا هي عمالة تقنعهم يا اخوانا حرام - 00:05:46

يا اخوانا لا يرضي الله. يا اخوانا ده ما ينفعش وهم مصرين على ان يوم الفرح يكون الفرح بهذه الصورة رقصات ومغنيين وحاجات من كده وهي ما كانت تقول الا يا رب دبر لي فاني لا احسن التدبير. انا اخذت بكل الاسباب. ان فرح ابني يكون على وفق ما يحبه الله - 00:06:06

سبحانه وتعالى تقول لي سبحان الله بعدما تم كل شيء. كل شيء خلاص تم. والاتفاقات والحجوزات كله تم شوفوا بقى لما يكون الانسان منا له رب يلجأ اليه ويركن اليه - 00:06:29

تقول لي قعدت ادعو الله سبحانه وتعالى يا رب يا رب دبر لي فاني لا احسن التدبير يا رب انا اخذت بكل الاسباب يا رب انت مسبب الاسباب يقول لي سبحان الله وقبل الفرح بيومين ثلاثة - 00:06:48

تحدث وفاة لحد قريب جدا جدا جدا. من زوجي فتكون النتيجة ان كل اللي تم الاتفاق عليه ها تم الغاؤه خلاص لا عاد فيه رقصات لا عاد فيه مغنيين هتبقى حاجة على الضيق كده وخلاص - 00:07:04

الرب سبحانه وتعالى اللي فعلا لما بتلجأ اليه سبحانه وتعالى لا يتركك لا يمكن في يوم من الايام يكون قلبك مكسور بين ايدين ربنا سبحانه وتعالى ويتركك ابدًا والله لما يكون في انسان منا سبحان الله يعني في اخت بنت من البنات هي مش اخت ملتزمة بنت من البنات - 00:07:21

البنت دي والعياذ بالله يعني اخطأت مع حد. والحد ده مصورها وهي عايزة تتوب وعايزة ترجع ونفسها ربنا سبحانه وتعالى يمن عليها بالتوبة بس كل شوية يقول لها ها هتيجي ولا ارفع الصور؟ هتيجي ولا افضحك؟ هتيجي ولا كذا - 00:07:47

تقول لي وكنت باضطر اروح خايفة. بس والله انا نفسي اقرب من ربنا. انا نفسي ارجع لربنا. انا نفسي ربنا يتولاني فانا كنت دايمًا باقول لها كده ادعي دايمًا كل لحظة وقولي اللهم تولني فيمن توليت. ما تسبنيش لوحدي يا رب - 00:08:08

وسبحان الله يشاء الله سبحانه وتعالى ان الانسان ده في يوم من الايام بيقول لها نصا كده انا جاي من القاهرة هطلع من القاهرة الساعة خمسة. اوصل المنصورة سبعة ونص تمانية. تسعة تكوني عندي - 00:08:28

وتتصل علي مش هينفع ما اروحش. هيفضحني! قلت لها توكلني على الله وما هي الا لحظات. الا لحظات والله يا اخوانا وربنا سبحانه وتعالى امام الانسان المجرم ده حادث على الطريق علشان يموت ويدفن في باطن الارض ويدفن معها السر معها السر ويكأن الله يقول لها خلاص ابدأي يلا - 00:08:45

صفحة جديدة ابدأي يلا صفحة جديدة مع الله سبحانه وتعالى يا اخوانا لما ابو لبابة رضي الله عنه الصحابي الكريم صاحب النبي صلى الله عليه وسلم يوم ما نفسه تسيطر عليه في لحظة من اللحظات - 00:09:09

يوم ما في لحظة من اللحظات تغره نفسه ويغره شيطانه فيقع في مخالفة عظيمة لامر الله يقع في مخالفة عظيمة لامر الله ويتخلف عن رسول الله صلى الله عليه وسلم يوم غزوة تبوك - 00:09:26

وفي اللحظة اللي بيتخلف فيها عن غزوة تبوك يعلم ان رسول الله ان رسول الله صلى الله عليه وسلم خلاص مقبل على المدينة فيصيبه من الهم والغم انا عصيت ربنا - 00:09:44

انا تخليت عن موطن كنت المفترض اكون فيه مع رسول الله. صلى الله عليه وسلم ولكن سبحان الله يلجأ الى الله يفرع اليه يا رب انا

غلطت يا رب سامحني - 00:09:57

وبدموع الندم التي تهتز لها السماوات والارض دموع الندم التي تنزل على جبال نار سيئات تطفئها دموع الندم. يربط نفسه في سارية من سواري المسجد ويدخل النبي المسجد. مين ده؟ مين ده؟ ومين اللي رابطين أنفسهم في سوهان المسجد دول - 00:10:12
يا رسول الله ده دول تسعة ليس لهم عذر في التخلف عنك تخلفوا عنك رابطين أنفسهم ليه يعني قالوا انه لن يحل وثاقهم الا رسول الله. بعد ما النبي يسامحهم - 00:10:33

قال صلى الله عليه وسلم تخلفوا عني وعن الجهاد معي والله لا احل وثاقهم حتى يكون الله هو الذي يحل وثاقهم. مش انا اللي فيك وثاقهم ده ربنا اللي يفك وثاقهم - 00:10:47

ويعلم الله سبحانه وتعالى من قلوبهم خيرا. ان هم ندموا وتابوا وتأسفوا على ما صنع منهم. ما بدر منهم. وما وتنزل آيات من الله سبحانه وتعالى بقوله عسى الله ان يتوب عليهم وعسى في حق الله على الوجوب اي - 00:11:01
ان الله قد اوجب على نفسه ان يعفو عن هؤلاء بالله عليكم يعني لما ربنا سبحانه وتعالى يرى في قلوب هؤلاء انهم ما ارادوا الا الخير بعد التوبة والندم ان هم بندمهم هذا يريدون ان يبدأوا صفحة جديدة مع الله ربنا يسيبهم - 00:11:21
لا والله ما يسيبهمش ربنا فلينزل الله سبحانه وتعالى آيات تفضل تتلى في ابي لبابة واصحابه دلالة على توبتهم الى قيام الساعة. النبي صلى الله عليه وسلم بعد ما نزلت اية - 00:11:43

توبة علشان اقول لكم يا من اذنبت وانا بكلم نفسي انا مذنوب وعاصي وصاحب ذنوب ومعاصي بس والله انا على يقين اليوم اللي انا هرجع فيه الى الله واقول له يا رب انا غلطان - 00:11:58
اليوم اللي يطلع فيه ربي عز وجل علي فيرى ان في قلبي انكسار لاننا ندمان على اللي انا صنعتته والله يا اخوانا والله يا اخوانا سيقبل الله مني سيقبل الله مني - 00:12:16

هو ده يا اخوانا اللي انا عايز اوصل له معرفة ربنا تؤثر علينا اوي اليوم باذن الله تبارك وتعالى هنتكلم عن اسم جديد من اسماء الله سبحانه وتعالى وهذا الاسم من الاسماء التي كثرت في كتاب الله سبحانه وتعالى - 00:12:34
هذا الاسم هو الله الولي والمولى هذا الاسم هو الولي والمولى قال الله عز وجل الله ولي الذين امنوا قال تعالى ذلك بان الله مولى الذين امنوا وان الكافرين لا مولى لهم - 00:12:55

قال الله سبحانه وتعالى انت مولانا فانصرنا على القوم الكافرين وقال ربنا تبارك وتعالى وقال ربنا تبارك وتعالى قل لن يصيبنا الا ما كتب الله لنا هو هو مولانا قال تعالى نعم المولى - 00:13:15

ونعم النصير. قال تعالى ان وليي الله الذي نزل الكتاب وهو يتولى الصالحين. قال الله وهو الذي الغيث من بعد ما قنطوا وينشر رحمته. وهو الولي الحميد. قال تعالى الله ولي الذين امنوا يخرجهم من - 00:13:37

الظلمات الى الموصول اسم ايات كثيرة جدا من القرآن ورد فيها هذا الاسم الله هو ولي. والله سبحانه وتعالى هو المولى تعالوا من البداية زي ما دايمنا باكد مع بداية كل اسم من الاسماء يعني ايه الولي - 00:13:57

ما المعاني المتعلقة بسم الله الولي المعنى الاول وهو الذي ذهب اليه الامام القشيري رحمه الله في تفسيره وذهب اليه الامام الزجاج امام اللغة رحمهما الله حين قال يقال ولي فلان فلانا اي تولى امره - 00:14:15

زمان واحنا في المدرسة كنا لما نعمل غلطة المدرس او النازر او مدير المدرسة كان يقول لنا ايه؟ هات ايه هات ولي امرك. مين ولي امرك؟ اي الذي يدبر امرك - 00:14:38

قال ولي فلان فلانا اي هو الذي يتولى امره والقيم بشؤونه والقيم بشؤونه والذي يلي اصلاح امره يبقى اذا معنى الولي معناها هو الذي يتولى تدبير امرك هو الذي يصلح لك شأنك - 00:14:53

هو الذي يغنيك اذا افتقر حالك وهو الذي ينصرك ان هزمت وغلبت هذا هو المعنى الاول المعنى الثاني وهو الذي ذهب اليه الخطابي وغيره لما قال ولي فلان فلانا هو اذا كان قريبا منه - 00:15:16

وليك هو اقرب الناس اليك وليك هو اقرب الناس اليك سواء كان اب او زوج او صاحب او جار فده اقرب الناس لك يقال عنه ولي
المعنى الثالث قالوا الولي هو الناصر - [00:15:40](#)

قالوا الولي هو الناصر وده المعنى اللي من خلاله ورد في القرآن كثيرا الجمع بين اسم الله الولي واسم الله الايه؟ النصير نعم المولى
ونعم نعم المولى ونعم النصير واما المعنى الرابع - [00:16:03](#)

واما المعنى الرابع هو الاول بك هو الاول بك ايها الاول بحبك هو الاول بخوفك هو الاول بلهفتك هو الاول بك عند فزعك سبحانه
وتعالى واما المعنى الخامس الولي هو المتودد المتحجب - [00:16:26](#)

هو المتودد المتحجب بمعنى الذي يتودد اليك بنعمه ليل نهار حتى وان كنت على معصية. بيتودد اليك بيتحجب اليك لان الولي هو
المحب الناصر. هو المحب بيحبك فبيتودد اليك هذه المعاني على سبيل الاجمال - [00:17:07](#)

يبقى معنا واحد معنى الولي هو الذي يصلح لك دينك ويهديك الى طريقه ويقيم من الايات البينة التي يأخذ بقلبك اليه تعالوا مع
بعض بعد ما عرفنا آ معنى الاسم على سبيل الاجمال. تعالوا نرجع للقرآن زي ما اتعودنا من اول السلسلة. لان كلما ارتبطت -
[00:17:33](#)

القرآن كلما ازداد المعنى وضوحا بالنسبة لي المعنى الاول من معاني اسم الله الولي هو الذي يدبر امرك. تعالوا ناخذها من المعصية
للهداية. هو الذي يدبر امرك فيأخذ بيدك من معصيته الى طاعته - [00:18:03](#)

يقيم الايات البينات التي تجعل قلبك يزداد يقينا في هذا الرب الاله. الولي سبحانه وتعالى لذا يا اخوانا بعد ما تكلم الله في اوائل
المواطن من القرآن على ما يتعلق باسمه الولي في سورة البقرة لما قال الله ولي - [00:18:23](#)
الذين امنوا ها يخرجهم من الظلمات الى النور فمعنى الولي ها هنا هو الذي يأخذ بيدك من ظلمة المعصية الى نور الطاعة او هو الذي
يقيم الدلائل البينة على قربك منك - [00:18:41](#)

وحبه للخير لك وحبه ان تكون اهلا لهذه الهداية. علشان كده بعد الاية دي ربنا ذكر لنا ثلاث قصص والتلت قصص يا اخوانا راحة في
مدار واحد بس البادور ده المدار ده هو قد ايه ربنا سبحانه وتعالى بيحب لنا الهداية - [00:19:01](#)

لانه ولينا سبحانه وتعالى بيحب لنا الهداية وبيحب انه ياخذ بايدينا من طريق الضلال الى طريق الطاعة ليثبت الايمان في قلوبنا من
ذلك قصة ابراهيم عليه الصلاة والسلام مع النمرود - [00:19:24](#)

ان يقيم الله سبحانه وتعالى دلائل الهداية امام النمرود هذه صورة من ولاية الله سبحانه وتعالى لاهل معصيته النمرود اللي كفر بالله
النمرود اللي عصى الله. النمرود اللي قال آآ يعني انا احبي واميت. ما قالهاش حد قبله ولا بعده - [00:19:41](#)

ما فيش حد في الكون قال قبل كده انا احبي واميت الا هو ومع ذلك الله سبحانه وتعالى لانه ولي يرسل له ابراهيم ليقيم له الدلائل
ويقيم له البينات اذ قال ابراهيم ربي الذي يحيي ويميت. قال انا ها - [00:20:02](#)

قال ابراهيم فان الله يأتي بالشمس من المشرق فاتي بها من المغرب. فبهت طيب انت خلاص مش قادر ترد خلاص التزم بطريق
الهداية لأ ولاية الله سبحانه وتعالى لنا ان كل يوم بيعت لنا اية من الايات علشان نقرب منه - [00:20:22](#)

ان في يوم من الايام في عز ما الانسان متكبر على الله. ربنا سبحانه وتعالى ربنا سبحانه وتعالى بيعت له اية صاحبك اللي كان معك
امبارح مات دي من ولاية الله لك - [00:20:42](#)

علشان ياخذ بايديك لطريقه ان صاحبك اللي كان ماشي مع واحدة ابوها عرف وامره اتفضح في اية من الله لك لان الله يتولاك لان
الله يتولاك انك تكون رايح تعمل معصية كبيرة والله يحول بينك وبين هذه المعصية. ده ايه - [00:20:57](#)

دي من ولاية الله سبحانه وتعالى لنا ربنا سبحانه وتعالى بيتولانا ربنا سبحانه وتعالى بيتولانا شاب اتناشر تلتناشر سنة ربنا يعافينا كان
مدمن اشياء محرمة على الانترنت مدمنها وفي يوم من الايام يعني - [00:21:20](#)

وهو بيعمل حاجة زي كده ووالده شافه. ووالدته شافته. وامره اتفضح قدام والده ووالدته وقدام اخواته وهو بيقول انا مش قادر
اتحمل نزرة والدي لي ولا نزرة والدتي لي فوالده قال له انت مكسوف مني - [00:21:39](#)

ما تقف بين ايدين ربنا سبحانه وتعالى ويسألك انت ليه عملت كده هتعمل ايه من الله بعدها قصة آآ قصة اه العزيش ان يحيي هذه الله بعد موتها ويريه الله سبحانه وتعالى من الايات ما يبييه يثبت قلبه - [00:21:54](#)

بعدها قصة ابراهيم ربي ارني كيف تحيي الموتى ويرى الله سبحانه وتعالى ابراهيم من الايات التي بها يزداد ابراهيم عليه الصلاة والسلام يقينا فوق يقيني عرفت يعني ايه الولي الولي معناه الذي يهديك الى طريقه - [00:22:15](#)

الولي معناها اللي بيعت لك ايات ليل نهار خد بالك خد بالك معنى الولي الذي يدبر لك امرك وينصرك على من عاداك في حد كان عاصي اوي قرب من ربنا سبحانه وتعالى - [00:22:36](#)

قرب من ربنا سبحانه وتعالى كم اللحظات بيقول ان لنا لاجرا ان كنا نحن الغالبين وفرعون يرد عليهم ويقول لهم قال نعم وانكم اذا لمن المقربين وعدوا بالمال وعدوا بالجاه - [00:22:59](#)

ووعدوا بالكراسي ووعدوا بكل ده طب وبعدين وبعدين لما تولاهم الله سبحانه وتعالى لما قراهم اية من اعظم الايات المبهرة. عصى موسى فاذا هي تلقف ما يأفكون فوق وقع الحق وبطل ما كانوا يعملون - [00:23:17](#)

فغلبوا هنالك وانقلبوا صاغرين. قالوا امنا بر رب العالمين. رب موسى وهارون وهنا يتوعدهم فرعون وفي ظلمة الليل قبل ما فرعون يبدأ يطبق ما امر به. من القتل والصلب والتعذيب والتنكيل بهؤلاء الذين امنوا - [00:23:35](#)

يخرج موسى عليه الصلاة والسلام بمن معه من ارض مصر. خلاص هم خارجين وسبحان الله خلاص فرعون هلك وعدوا البحر. وده من اسماء من اسم الله الولي من دلائل اسم الله الوليد - [00:23:55](#)

ان ربنا سبحانه وتعالى ينصرهم على عدوهم. مش كده وبس بل يدبر لهم امرهم من بعد كده. هم خرجوا لا معهم لا اكل ولا شرب ولا معهم حاجة ياكلوا ويشربوا منها - [00:24:10](#)

ربنا سبحانه وتعالى يتولى امرهم يا بني اسرائيل قد انجيناكم من عدوكم ووعدناكم جانب الطور الايمن ها ونزلنا عليكم الابه المنة والسلوى انتم مش جعائين وعطشائين معكم الاكل اولا معكم شرب - [00:24:23](#)

انا اتولى امركم لانني انا الولي لاني انا الولي يدبر امرك يدبر امرك بتكون النتيجة انه يعطيك كل ما اردت وفوق ما اردت. انت كنت عايز اكل وشرب لان ما عندكش ما عكش. خد اكل وشرب - [00:24:45](#)

عايز ايات اكثر واكثر لتزداد ايمانا يكلم موسى عليه الصلاة والسلام ربه ويعود اليهم. ليوضح لهم الايات والدلائل وتعالى هو الولي سبحانه وتعالى هو الولي عايز تعرف يعني ايه ولي - [00:25:04](#)

الولي هو الذي احوج القافلة التي كانت تسير في الصحراء العطش. عطشائين عايزين نشرب ومن بين عشرات الابار اللي موجودة في الصحراء هنا وهناك احوجهم الله سبحانه وتعالى لبئر معين - [00:25:22](#)

ومن بين آآ الابار دي يروحوا يقفوا على البئر وينزل واحد منهم دلوه يتمسك يوسف عليه الصلاة والسلام بهذا علشان يخرج يوسف عليه الصلاة والسلام الله سبحانه وتعالى احوج عزيز مصر - [00:25:42](#)

للابن لانه ما كانش بينجب عزيز مصر في الوقت ده ما عندهوش اولاد. ونفسه في اولاد. اول ما يشوف يوسف يقول بس ده ده انا عايزه. فالذي احوج عزيزا مصري للولد هو الله. ليه؟ علشان عزيز مصر يتولى يوسف بالرعاية - [00:26:02](#)

علشان عزيز مصر يتولى يوسف بالرعاية هو ده الولي اللي يتولى امرك سبحانه وتعالى ويعيش يوسف عليه الصلاة والسلام معزز مكرم. حتى اذا دخل السجن احوج الله ملك مصر لمن يؤول له الرؤية اعوزه الله عز وجل لمن يؤول له الرؤيا حتى تكون هناك ولاية من الله ليوسف - [00:26:22](#)

بل واعوذ الله اهل مصر لمن يدبر لهم امرهم في وقت المجاعة ليكون يوسف عليه الصلاة والسلام هو الذي يتولاهم بعد ما تولاه الله سبحانه وتعالى هي دي الولاية اللي عبر عنها سيدنا يوسف بعد ما نظر الى حياته كلها - [00:26:49](#)

ويقول لنا اية جميلة جدا بتوضح قد ايه معنى اسم الله الولي؟ رب قد اتيتني من الملك صح ما هو ده المحب المتودد قد اتيتني من الملك وعلمتني من تأويل الاحاديث - [00:27:10](#)

فاطر السماوات والارض انت ها ليه استخدم يوسف عليه الصلاة والسلام هنا اسم الله الولي لنستشعر ولاية الله ورعاية الله وحب الله وقرب الله منه قبل ذلك مرة في السجن مرة في الجب ومرة في القصر ومرة في السجن. وبعد ذلك لما اتاه الله الملك قل له ربي قد اتيتني من الملك - [00:27:30](#)

وعلمتني من تأويل الاحاديث فاطر السماوات والارض انت ولي توفي مسلما توفي مسلما والحقني بالصالحين الولي هو اللي لو في يوم من الايام رجلك هتزل في معصية ياخذ بايديك ويقول لك لا الا دي - [00:27:56](#)

انت خلاص نويت وعزمت وقلت هعمل المعصية لانه بيحبك لانه قريب منك لانه قريب منك يقول لك لا انا هوقفك على رجلك ومش هرجعك للمعصية قال ربنا، تبارك وتعالى، اذ همت - [00:28:16](#)

طانفتان منكم انت ها والله وليهما ايه الية دي الية دي لما خرج رسول الله صلى الله عليه وسلم الى احد وعبدالله بن ابي بن سلول رأس المنافقين النبي خارج بجيش قدره الف مقاتل - [00:28:35](#)

عبدالله بن ابي بن سلول قعد بقى ايه يعني لو نعلم قتالا لاتبعناكم. وقعد يعني يهزم الجيش نفسيا فرجع تلك الجيش دول المنافقين رجعم سيدنا عبدالله بن حرام سيدنا جابر بيقول جابر بن عبدالله بن حرام بيقول فينا نزلت هذه الية - [00:28:56](#)

بنو سلمة وبنو حارثة لما سمعنا عبدالله بن ابي بن سلول يقول ما يقول وعاد كدنا ان نصدق كلامه ونعود. احنا كنا هنرجع احنا كمان معاي لاحد. بس خد بالك من الية ربنا يقول والله ايه ها - [00:29:18](#)

والله وليهما فكانت النتيجة اخذ الله سبحانه وتعالى بقلوب هؤلاء. لا ما تصدقوش لا لا ما تسمعوش هذا الكلام. والله وليهما. وعلى الله فليتوكل المؤمنون معنى الله هو الولي ان النبي صلى الله عليه وسلم يبعث العلاء ابن الحضرمي رضي الله عنه - [00:29:35](#)

الى البحرين طالع في غزوة من الغزوات الى بلاد البحرين. وهو في الطريق نفذ المال نفذ الماء ونفذ الطعام وكان في ارض صحراء واوشك ان يموت خلاص هيموت انت طالع ليه ؟ رضا لله سبحانه وتعالى. رضا لرسول الله صلى الله عليه وسلم. طالع اعمل الدور اللي

ربنا امرني به - [00:30:01](#) طيب بس احنا دلوقت هيموت خلاص ما فيش اكل ما فيش شرب خلاص العلاء الحضرمي ايقن ان له رب اسمه الولي. يرفع العلاء ابن الحضرمي يده الى السماء ويقول اللهم اقسم عليك ان تسقيننا - [00:30:29](#)

اللهم اغثنا اللهم اغثنا اللهم اسقنا قال فلا زال يدعو الله سبحانه وتعالى حتى اخرج الله من تحت قدميه عين ماء. عين ماء اتفجرت من تحت رجلين علاء ابن الحضرمي - [00:30:48](#)

فشرب الناس واعطاهم الله ما ارادوا. الله ولي الذين امنوا ان السيدة هاجر عليها السلام حمالة تجري بين الصفا والمروة يا رب يا رب ابني هيموت لا معي لا اكل - [00:31:05](#)

ولا معايا شرب الولد هيموت وتجري مين ؟ وتجري شمال ولا تنسى ان الذي امر ابراهيم بذلك هو الله هو الله سبحانه وتعالى وترفع ايديها وتدعو هذا الرب الولي فيضرب اسماعيل الارض بتحت قدمه من تحته بقدمه تطلع زمزم. ان النبي صلى الله عليه وسلم يقول

في شأنها هي طعام طعم - [00:31:21](#) شفاء سقم طعام طعم يعني اللي هيشربها بنية انه هي كفيلة بالغذاء ويكفيننا بالدواء لمن مرض هي طعام طعم وشفاء سقم بمعنى الله

ولي الذين امنوا ان ربنا سبحانه وتعالى يتولى امرك - [00:31:47](#) ويدبر لك حالك على احسن وجه وعلى احسن تدبير سبحانه وتعالى بقول لكم الانسان منا لما يعرف ربنا سبحانه وتعالى هو الولي

نفسه تهدأ تطمئن نفسه تهدأ وتطمئن في غزوة احد بعد ما قام ابو سفيان وقال افيق افي القوم محمد - [00:32:06](#) النبي يقول لا تجيبوه افي القوم ابو بكر لا تجيبوه. افي القوم عمر ثم بعد ذلك قال لنا العزة ولا عزى لكم وقال النبي لا تجيبوه قالوا يا

رسول الله بم نجيبه ؟ قال قولوا ها - [00:32:31](#) الله مولانا ولا ولا مولى لكم الله مولانا هو اللي هيدبر لنا امرنا ويصلح لنا حالنا هو الذي ينصرنا ويؤيدنا ويفتح بين ايدينا. الله مولانا

ولا مولى لكم اللهم مولانا ولا مولى لكم - [00:32:58](#)

النبي صلى الله عليه وسلم يعرفنا ويقول لنا يعني ايه الولاية يعني ايه ربنا سبحانه وتعالى يتولاك يعني يتولاك مش حياة بس وانت بتموت كمان الانسان منا خلاص بيخرج من الدنيا. بس هو كان في الدنيا انسان صالح ربنا يسيبه - [00:33:20](#)
ابدا والله ابدا والله بل يوكل الله سبحانه وتعالى بالمؤمن عند موته ملائكته تبشر بالجنة وتفتح له من ابواب الخير تفتح له من ابواب الرحمات قال ربنا تبارك وتعالى ان الذين قالوا ربنا الله ثم استقاموا - [00:33:39](#)

تتنزل عليهم الملائكة الا ها الا تخافوا ولا تحزنوا وابشروا في الجنة الا تخافوا نحن اولياؤكم في الحياة الدنيا وفي الآخرة. ما تخافوش احنا معكم مش هنسيبكم دي ولاية ربنا سبحانه وتعالى. انك وانت بتموت يفتح الله سبحانه وتعالى لك بين يدي موتك - [00:34:03](#)

بعمل صالح تجري على عمل صالح تموت عليه بس شفتم ولاية ربنا سبحانه وتعالى شفتم ولاية ربنا معناها ايه شفت ولاية ربنا معناها ايه وليت ربنا سبحانه وتعالى معناها انه قريب منك - [00:34:26](#)
هدد الله سبحانه وتعالى نساء النبي في سورة التحريم ان تتوب الى الله فقد ها صغت قلوبكما وان تظاهر عليه فان الله هو ها فان الله هو مولاه وجبريل وصالح المؤمنين - [00:34:46](#)

والملائكة بعد ذلك ظهير والملائكة بعد ذلك ظهير رسول الله صلى الله عليه وسلم لما تكالب عليه اهل مكة اهل مكة كلهم تكالبوا على رسول الله عايزين يأذوه ويعذبوه ان ربنا سبحانه وتعالى يتولى يتولى رسول الله - [00:35:08](#)
ويقول للنبي قل لمشركي مكة خلاص النبي ضعيف جدا في المرحلة دي مرحلة مكة ضعيف جدا. هم معهم القوة ومعهم السلطان ومعهم العدد ومعهم السلاح. النبي ضعيف فالنبي صلى الله عليه وسلم يقول لهم كلمة واحدة اية واحدة - [00:35:33](#)
ان وليي الله الذي نزل الكتاب وهو يتولى الصالحين ان وليي الله الذي نزل الكتاب وهو يتولى الصالحين. افعلوا ما شئتم اللي انتم عايزين تعملوه اعملوه ولكن طالما ان الله وليي خلاص اخاف من ايه - [00:35:51](#)

اخاف من ايه قالها المسلمون يوم احد بعد الهزيمة الذين قال لهم الناس ان الناس قد جمعوا لكم فاخشوهم ها فزادهم ايمانا وقالوا ها حسبنا الله ونعم الوكيل كفاية علينا ربنا - [00:36:12](#)
هو الذي سينصرنا وهو الذي سيؤيدنا المسلمين ما شاء الله لانهم امنوا باسم الله الولي. مهما كانت المشكلات والازمات اللي كانت بتمر بهم هو بالنسبة له مش خايف يوم غزوة الخندق غزوة الاحزاب لما المشركين يتجمعوا - [00:36:30](#)

في جهة من جهات المدينة ويهود بنو قريظة غدروا في جهة اخرى من جهات المدينة ربنا سبحانه وتعالى قال لنا في شأن المؤمنين ولما رأى المؤمنون الاحزاب قالوا هذا ما وعدنا الله ورسوله. وصدق الله ورسوله وما زادهم الا ها - [00:36:50](#)
ايمانا وتسليما وما زادهم الا ايمانا وتسليما. ان وليي الله طالما ربنا سبحانه وتعالى هو الذي يتولاني ويدبر امري اخاف من ايه طالما سبحانه وتعالى هو الولي وهو المحب وهو القريب وهو المتودد وهو سبحانه وتعالى الناصر. هخاف من مين - [00:37:08](#)
اخاف من مين بسم الله الولي يقذف في قلوبنا كلنا. في قلوبنا كلنا. ان لو اهل الارض تجمعوا على اهلاك المسلمين والله الله لينصرن الله المسلمون لينصرن الله المسلمين ولكن بشرط - [00:37:33](#)

ان انت تكون ولي لله. عايز تعرف يعني ايه بسم الله الولي قال النبي صلى الله عليه وسلم من عادى لي ها مين يعني ايه وليا هو قدم الحب والقرب من الله - [00:37:51](#)

فكانت النتيجة فقد اذنته بالحرب والله يا اخوانا والله يا اخوانا احد اخوانا الشباب اللي شغالين في السعودية بيقول لي معي مصري من نفس بلدي انا اللي جايب له العقد وجاي اشتغل معي - [00:38:09](#)

وانا اللي فتحت له الباب ده من باب الخير ده بعد كده علشان هو يكون المسيطر على الشغل والكلام ده بدأ يطعن في باسوء انواع الطعن في زمي ان انا حرامي وان انا بعمل كزا وبعمل كزا - [00:38:26](#)

قل سبحان الله! والدنيا بتضيق اوي قل لي انا علي ديون وعلي مصاريف وبصرف على آآ زوجتي واولادي وابويا وامي وبنيتن اخوات واتطردت من شغلي بسبب كلام هذا النبي ادم - [00:38:44](#)

يقول لي ووالله ما وجدت طريقا الا الله. يقول لي لاول مرة اعرف يعني ايه قول الله وظنوا ان لا ملجأ من الله الا اليه اول مرة في حياتي اعرف يعني ايه الا ملجأ من الله. انا ما ليش حد خلاص - [00:39:01](#)

يقول فضلت طول الليل اقول يا رب انصрни على من عاداني يا رب انصرنى على من ظلمني. يا رب انا مظلوم طلع علي ان انا حرامي وطلع علي ان انا كذا وطلع علي ان انا كذا - [00:39:17](#)

وانا مظلوم ويشاء الله سبحانه وتعالى ان ايام هو ربنا سبحانه وتعالى يعني ربنا يقدر ان كفالته تنتقل على كفيل ثاني يقول لي احسن منه ميت مرة وافضل منه ميت مرة وكل شوية ياخذني معه - [00:39:30](#)

مكة والمدينة ونعمل عمرة ونزور مسجـد النبي صلى الله عليه وسلم واما صاحبي ده فهو متسجل له كده صوت وصورة وهو بيسرق وفضيحته الان على يعني مرأى ومسمع الجميع - [00:39:46](#)

بيقول وبعدها الكفيل بتاعي يتصل علي ويعتذر لي ويقول لي انا اسف. انا ظلمتك. حقك علي. تعال اعمل اللي انت عايزه تعال اعمل اللي انت عايزه. عرفت يعني ايه ربنا هو الولي؟ اللي يدبر لك امرك ويصلح لك حالك - [00:40:00](#)

حد من اخواننا اللي شغالين في السعودية توفي هناك بنكلم الكفيل علشان يعني يجيب الفلوس بتاعته. وهو كان فاتح محل نجيب البضاعة ونجيب الحاجة. نجيب حاجة الراجل بقى يقول لأ هو ما لوش حاجة. طب المحل كان فيه بضاعة بتاعته بفلوسه - [00:40:18](#)

بيقول لأ ده هو كان علي عليه اربعين الف دينار اربعين الف ريال لو خمسين الف ريال. والخمسين الف ريال طب معك شهود على كده؟ البيئة على مدعي. لأ طب يعني طالما ما عكش شهود بيقى مش من حقك - [00:40:38](#)

لأ ده انا هعمل وهسوي ومش عارف ايه عمل مشاكل جامدة جدا طيب زوجة هذا الرجل وخمس اولاد الدنيا هنا تبع مدينة النصر الزوجة دي بتحكي لي الموقف بتقول لي يعني - [00:40:52](#)

انت عارف اللي ينطبق عليه مثال ده موت وخراب ديار فعلا موت وخراب ديار الراجل مات والبيت اتخرب لا في فلوس ولا ولا ولا الى اخره رغم ان الراجل له فلوس - [00:41:08](#)

له مبلغ كبير هناك ما شاء الله سبحانه وتعالى ان الايام بس بتدور الايام تدور وبعد فترة ربنا سبحانه وتعالى بيتلي ابن هذا الرجل بمرض شديد المرض ده كنت دايمـا باقول لكم كلمة - [00:41:24](#)

الانسان منا ضعيف اوي الانسان منا مسكين اوي بس طول ما هو كده قوي وما عندوش مشاكل آآ انا انـا ان رآه استغنى. كلا ان الانسان ليطغى اراه استغنى يوم ما ابنه عرف ان ابنه ده احب الناس عنده يجي له مرض ومرض شديد - [00:41:44](#)

كبير من الامراض الكبيرة وخلاص بيقول ده باللي انا عملته مع مع المرأة دي ومع الايتام دول لما اكلت حقهم ويروح يقول لهم بعد كده انا كنت واخذ خمسين الف ريال - [00:42:07](#)

خدوا ميت الف بس سامحوني. خدوا متين الف بس سامحوني. خدوا اللي انتم عايزينه بس سامحوني هشتري لكم شقة اقعدوا فيها تعويض عن السنوات اللي انتم ما خدتوش فيها الفلوس - [00:42:23](#)

خدوا خدوا كل اللي انتم عايزينه بس تكونوا مسامحيني لانني على يقين ان ما ابتلاني الله سبحانه وتعالى به. ده كان بسبب ان انا في يوم من الايام جرت على حق الايتام - [00:42:35](#)

شفت كيف يدبر الله الامر للمظلوم شفت ازاى ربنا سبحانه وتعالى بيدبر الامر شفت قد ايه ربنا سبحانه وتعالى بينصر المظلوم؟ كل من رماك بما ليس فيك كل من اتهمك بتهمة باطلة وبزور - [00:42:49](#)

كن على يقين ان الله سبحانه وتعالى سيتولى امرك ويبرئك الله سبحانه وتعالى لانه سبحانه وتعالى هو الولي بسم الله الولي يدينا دايمـا سـكينة وطمأنينة ان ربنا سبحانه وتعالى معنا - [00:43:07](#)

بسم الله الولي يدينا المعنى ده يدينا المعنى ده ولكن متى يكون الله لنا وليا؟ نصرنا الوليد بمعنى الناصر متى يكون الله سبحانه وتعالى وليا لنا بمعنى المحب المتودد - [00:43:27](#)

متى يكون ربنا تبارك وتعالى ولي؟ بمعنى القريب متى يكون الله سبحانه وتعالى ولي قبل ما اقول لكم انا كنت دخلت في الحديث ونسيتته. ارجع ثاني قال الله سبحانه وتعالى في الحديث القدسي - [00:43:47](#)

من عاد لي وليا ها وقد اذنته بالحرب ده بمعنى النصر وكلمة حرب من الله سبحانه وتعالى على احد لم ترد في القرآن او السنة الا في موطينين. واحد منهم ده الموطن الثاني فين - [00:44:03](#)

مع الربا بس فلما ربنا سبحانه وتعالى يقول محمد راجل صالح. محمد راجل دين. محمد انسان كويس وفي يوم من الايام وفي يوم من الايام وفي يوم من الايام محمد ده حد عاداه هتكون النتيجة انا الذي اتولى الحرب علي - [00:44:20](#)

من عاد لي وليا فقد اذنته بالحرب. ادي اول صورة منصور ولاية الله سبحانه وتعالى ان كل مظلوم في يوم من الايام اتحبس ظلما او قتل ظلما او في يوم من الايام حد اخذ ماله ظلما او في يوم من الايام حد اتهمه بتهمة باطلة. كن على يقين - [00:44:45](#)

ان الله يؤذن هذا الانسان بالحرب ان الله يؤذن هذا الانسان بالحرب ولن تتوقف هذه الحرب الا على جثث واشلاء هذا الظالم وكل اللي اتهم به الناس اللي كان بيتهموا به زمان. اهو بيتلى به دلوقت - [00:45:08](#)

اضعاف اضعاف ما كان يصنع به قديما زمان اتهمته انه انسان مش على خلق ولا على دين اهو انت اللي بتتهم دلوقت. زمان اتهمته في عرضه اهو انت بتتهم دلوقتي. زمان - [00:45:31](#)

اتهمتوا بكذا وكذا هتتهم دلوقت هي كده هي كده ده قانون فقد اذنته بالحرب. كلمة اذنته بالحرب دي تنزل سبحان الله على من ظلم برضه والسلام. خلاص ربنا الولي هو اللي يتولى هذا الامر بقى خلاص - [00:45:44](#)

هو اللي يجيب لي حقي هو اللي يجيب لي حقي الصورة الثانية من الولاية ان يتولى الله سبحانه وتعالى لانه قريب منك ياخذ بايديك اليه سبحانه وتعالى قال كنت سمعه - [00:46:03](#)

وبصره الذي يبصر به وقدمه التي يمشي بها ويده التي يبطش بها مش دي صورة ثانية من صور الولاية ان ربنا ياخذ بيدك اليه سبحانه وتعالى. طب الصورة الثالثة لو وقعت في ضر - [00:46:20](#)

او في كرب او في ازمة من الازمات الذي يتولى استجابة دعائك استجابة دعائك واخراجك ممن انت فيه هو من هو الولي ولئن سألني ها لاعطينه ولئن استعاذني ها بس - [00:46:35](#)

شفت اسم الله الولي؟ خيلنا نهذا ونظمئن بسم الله والحمد لله والصلاة والسلام على رسول الله صلى الله عليه وسلم وبعد كان النبي صلى الله عليه وسلم له ادعية كثيرة تتعلق بسم الله الولي - [00:46:51](#)

منها دعاء صلى الله عليه وسلم في صلاة الوتر صلاة الوتر كان النبي صلى الله عليه وسلم يقول ايه وتولني في ناس اللي بيتولى امرها ربنا في ناس اللي بيدبر لها حياتها ربنا - [00:47:18](#)

في ناس اللي بيعزها وبيرفع من قدرها ربنا فكان النبي دايم يقول يا رب تولني فيمن توليت وكان صلى الله عليه وسلم يعلم ان الولي يأتي بمعنى الهادي الذي يخرجنا من الظلمات الى النور - [00:47:45](#)

فكان من دعائه صلى الله عليه وسلم اللهم يا ولي الاسلام واهله مسكني بالاسلام وفي رواية ثبتني على الاسلام حتى القاك يا رب نور لي بصيرتي ان انا دايم اتمسك بدينك الى اخر لحظة في حياتي - [00:48:06](#)

يوم ما القاك اكون ثابت على هذا الدين اللي عايز ربنا سبحانه وتعالى يتولاه واحد ادعي ربنا سبحانه وتعالى كتير لو في يوم من الايام وقع في مشكلة كبيرة كبيرة اوي - [00:48:27](#)

وحاسس ان هي ما لهاش حل ادعي ربنا سبحانه وتعالى باسمه الولي لو في يوم من الايام ظلمت وخلاص المسألة ما لهاش حل الذي تولى عائشة واخرجها من حادثة الافك - [00:48:42](#)

هو قادر على ان يخرجك مما رميت به صح وخلاص المدينة كلها عرفت الخبر المدينة كلها عارفة ان آآ سمعت المدينة كلها سمعت ان عائشة وقعت في الفاحشة من الذي اخرجنا من هذا الكرب - [00:49:00](#)

خلاص بل ويخرجها الله سبحانه وتعالى من هذا الكرب عزيزة كريمة فاضلة بل ويفضح الله سبحانه وتعالى كل من وقع في عرضها

يمكن من الامثلة البسيطة جدا اللي اقول لك يعني ايه ربنا ولي - [00:49:20](#)

هو خلاص السيدة عائشة رضي الله عنها نزلت آيات سورة النور الطيبات للطيبين والطيبون للطيبات والخبيثات للخبيثين والخبيثون للخبيثات اولئك ايه خلاص خلصت كلنا نظن كده ده على وفق قوانين ربنا - [00:49:43](#)

على غير قوانين على غير ما جاءت به القوانين لسة فيه حته انت في يوم من الايام حد ظلمك في يوم من الايام حد اذك انت في يوم من الايام حد - [00:50:08](#)

بيجحد حقك ما خدتش منك حاجة رح اخبط دماغك في الحيلة القانون بيقول انك هتأخذ حقك كامل وبقية القانون لابد من انتقام الله سبحانه وتعالى لهذا الانسان عبدالله بن ابي بن سلول هو اللي طاعن في عرض عائشة رضي الله عنها. صح - [00:50:26](#)

خلاص نقول ان القصة خلصت بقوله اولئك مبرءون مما يقولون. القصة خص على كده. لا ما خلصتش. لازم القصة تكمل ازاى تكمل؟ قال تعالى ولا تكرهوا فتياتكم على البغاء ان اردن تحصنا - [00:50:49](#)

تريدون عرض الحياة الدنيا يعني ايه الاية دي؟ الاية دي نزلة تتميما للقصة بتاعتنا ان كان لازم وفق القانون اللي فضح السيدة عائشة لازم ها لازم يتفضح فكانت النتيجة فضحه الله عز وجل في قعر بيته - [00:51:05](#)

وعرف الله الناس كلهم ان هذا الرجل والعياذ بالله فاتح بيته لارتكاب الفواحش سيفضح عبدالله بن ابي بن سلول في قعر بيته اه القانون كده انتهى ده اسمه الله ولي الذين امنوا. بمعنى انه يا احمد هيتولى امرك - [00:51:26](#)

اتنين سينصرك على من عاداك سينصرك على من عاداك ربنا سبحانه وتعالى كان ممكن بخروج آ يوسف عليه الصلاة والسلام من السجن الموضوع خلاص انتهى يوسف بريء يا اخواننا خلاص عليه الصلاة والسلام. لا لا لا لازم تفضح من كانت سبب انه - [00:51:48](#)

يوسف في يوم من الايام اتفضح. مش هي في يوم من الايام قالت آ ما جزاء من اراد باهلك سوء شيطانة في يوسف عليه الصلاة والسلام لازم تاخدي الجزاء بسم الله الولي بقى - [00:52:08](#)

انه لازم ينصرك انه لازم ينصرك اقول لكم على حاجة عجيبة. لو قلت لكم النهاردة اكتر ام منتشر فيها الفواحش. امة مين اليهود اكتر ناس استمرؤوا والعياذ بالله الفواحش. مين - [00:52:25](#)

اليهود اكتر ناس بتصور افلام والعياذ بالله من السيئة. مين اليهود هم ليه ابتلوا بهذا الامر اصلا وليه النهاردة لما نعرف ان في حاجة يهود وراها. هم ليه ابتلوا بهذا الامر - [00:52:40](#)

اخوانا هي حالة واحدة مش دول اللي زمان طعنوا في عرض آ السيدة مريم عليها السلام. وقالوا عليها زانية. وقالوا على عيسى عليه الصلاة والسلام انه ابن زنا خلاص اصبح هذا الامر فيهم الى قيام الساعة. اقول لكم على حاجة عجيبة جدا - [00:52:55](#)

الشيعة مش الشيعة كل يوم بيطعنوا في عرض عائشة ويقولوا عنها زانية طب عقوبة من يقذف المرأة العفيفة ايه طب اتفرجوا عليهم في عاشوراء كانوا بيعملوا ايه ده اسمه ايه - [00:53:11](#)

هو ابي الله سبحانه وتعالى الا ان يذيقه من نفس الكأس. بس هو ده معنى الولاية. ان ربنا يتولاك يتولاك بمعنى يظهر برائتك وينصرك يظهر براءتك ابتداء ثم بعد ذلك ينصرك الله ولي الذين امنوا - [00:53:29](#)

الله ولي الذين امنوا. دوروا في القرآن من اوله الى اخره هتجدوا القانون ده متواتر في القرآن اذا كنت اهلا لنصرة الله سبحانه وتعالى تجد ان ربنا سبحانه وتعالى ينصرك - [00:53:47](#)

ويعينك ويسدك ويأيدك وبعد كده يتودد اليك يتودد الي طب هو فين تودد ربنا للسيدة عائشة بعد ما ابتلاها بما ابتلاها به طيب اولئك مبرءون مما يقولون ها لهم ايه - [00:54:04](#)

مغفرة ورزق شفتوا التهتد شفتم التودد شف الاية اصلا الطيبات للطيبين. ربنا يقول السيدة عائشة دي واحدة طيبة ولا يليق بالسيدة عائشة الا النبي صلى الله عليه وسلم وهو طيب هو كمان - [00:54:20](#)

لا وخد بالك من حاجة. انا انا عايز اقول لكم لفظة جميلة اوي في في الاية هو مين اللي اتهم بالفاحشة مين بس السيدة عائشة بس دي المتهمه ربنا سبحانه وتعالى بيقول - [00:54:40](#)

الطيبات للطيبين والطيبون للطيبات ها ها والخبيثات للخبيثين والخبيثون للخبيثات ها ما عدتش عليك دي قبل كده هي اولئك دي جمع ولا افراد؟ انتم كده ميحا في اللغة العربية اولئك الجمع والافراد - [00:54:55](#)

جمع طب هي السيدة عائشة واحدة ولا ولا جمع طب هسألكم سؤال هو الواحد لما يقول فعلنا نحن آآ ده معناه ايه تعظيم هو تعظيم السيدة عائشة جه من عند مين - [00:55:18](#)

مين اللي بيكلمها بصيغة الجمع؟ مين يبقى مين اللي بيعظمها بيتردد لها يبقى مين اللي يحبها ومين القريب منها اولئك مبرءون جمع مما يقولون لهم جمع ايه ده ايه ده! ايه ده - [00:55:35](#)

ربنا بيتكلم عن الفرض بصيغة الجمع اكن ربنا بيعظم عائشة ما هو دا بقى المعنى التالت من معاني اسم الله الولي هو المتودد

المتحبيب هو المتودد الايه المتودد المتحبيب. يا الله! ايه الجمال ده - [00:55:57](#)

شفتم اسم الله الولي ازاى ربنا سبحانه وتعالى يتولانا؟ واحد احنا قلنا اول حاجة الدعاء زي ما كان النبي صلى الله عليه وسلم بيدعو

اتنين الاعتصام بالله سبحانه وتعالى الاعتصام بدينه سبحانه وتعالى - [00:56:14](#)

كلما كان الانسان اكثر اعتصاما بكتاب الله كلما كان الله وليه كما قال ربنا تبارك وتعالى في قوله واعتصموا الهى هو ايه ومولاكم.

اعتصم بربنا. الجأ لربنا في وقت مشكلتك. الجأ لربنا اوي. ساعتها ربنا سبحانه وتعالى يتولاك - [00:56:31](#)

ثلاثة ثلاثة كن صالحا خليكي انسان صالح عابد قريب من ربنا. ساعتها ربنا يتولاك. قال تعالى وهو يتولى الايه وهو يتولى الصالحين

ربنا سبحانه وتعالى هو الولي وهو المولى الناس تقول هو ايه بقى قصة الولاء والبراء - [00:56:52](#)

ايه قصة الولاء والبراء ده اللي احنا ان شاء الله هنعقب به اسم الله الولي الدرس القادم باذن الله تبارك وتعالى. مع قضية هي من

اخطر القضايا لازم تناقش في الوقت ده - [00:57:15](#)

لازم تناقش في الوقت ده قضية اسمها قضية الايه الولاء والبراء. وبخاصة بعدما والى كثير من المسلمين اعداء الاسلام ضد المسلمين

بعدما نصر بعض المسلمين اعداء الاسلام على المسلمين نتكلم ان شاء الله تتميما لاسم الله الولي - [00:57:30](#)

اذا كان ربنا سبحانه وتعالى هو الولي هو يتولى مين؟ وانا كمؤمن اتولى مين؟ واعادي مين؟ بس من الباب البسيط جدا المدخل اللي

نقدر نخش باذن الله تبارك وتعالى باذن الله لمدخل قضية الولاء والبراء لان قضية الولاء والبراء دي بتعمل عند ناس قلق شوية -

[00:57:56](#)

انا هقول لك ببساطة خالص ببساطة خالص مع اختلاف المسميات اه اه خلونا نرجع كده لما قبل ثلاثة وسبعين فيما قبل ثلاثة وسبعين.

وقت ما كان اليهود والانجليز والناس دي قاعدين في مصر محتلين مصر - [00:58:14](#)

لو في يوم من الايام علمنا ان في حد من اهل مصر من المصريين بيتعاون مع الانجليز او مع اليهود على مصر ده يتقال عليه ايه

طيب لو فهمنا وعرفنا في يوم من الايام ان لما حصلت الحرب بين مصر واليهود - [00:58:30](#)

فوجئنا ان في حد من المصريين ساب المسلمين وقام رايح مع اليهود يحارب معهم. ده يتسمى عليه ايه؟ يتسمى ايه تخيل لدينه

وخاين لبلده وخاين لامته وخاين للاسلام هي دي باختصار قضية الولاء والبراء - [00:58:49](#)

هي دي باختصار قضية الولاء والبراء الانسان اللي قال لأ انا واقف مع بلدي وانصر بلدي وانصر ديني وهاقف واقتل علشان بلدي

داهي لاخر قطرة دم في حياتي ده اسمه ايه - [00:59:05](#)

ولاء ده اسمه ايه ولاء امال ايه قصة البراء اللي راح لهم وساعدهم وعاونهم؟ او في يوم من الايام جابهم لبلادنا او في يوم من الايام

جابهم لايه ده اسمه ايه - [00:59:20](#)

والعياذ بالله الإنسان لا ولاء له اصلا. ما عندوش ولاء للمسلمين اصلا اضرب على ذلك مثال من السنة من القرآن عفوا من اللي نزل فيه

معنى الولاء ونتكلم بقى بالتفصيل. ازاى الصحابة كان عندهم معنى الولاء والبراء ومعاني الولاء والبراء على مدار التاريخ -

[00:59:36](#)

قبل ما اخش على الاية سيدنا معاوية ابن ابي سفيان آآ يعني امير المؤمنين خال المؤمنين رضي الله عنه سيدنا معاوية ابن ابي

سفيان عرف في يوم من الايام ان في احد الحروب بين المسلمين وبين - 00:59:53

الروم ان فيه ملك من ملوك الروم اسر واحد من المسلمين فضربه بالقلم سيدنا معاوية بن سفيان جاب كتيبة من كتائب الجيش وبعثها ان هي في صورة تجار وقام رايح جايب الراحل ده الملك ده اسره وجابه وقام مدخله على بلاد المسلمين. وقال للمسلم خذ -

01:00:11

ما يكفيك اللي ضربك قلمين ثلاثة اضربه قلمين ثلاثة وبعد ذلك قال لهذا الملك حتى تعلم ان المؤمن ينصر المؤمن في بلده وفي غير

بلده. هنا هنصر اخويا المسلم وعندك في بلدك هاروح اجيبك كده من قفاك - 01:00:37

نرجع كده للقرآن نرجع للقرآن الله يقول يا ايها الذين امنوا لا تتولوا قوما ها غضب الله عليهم الاية دي نزلت في مين النبي صلى الله

عليه وسلم محاصر يهود بنو النضير بعد ما حاولوا ان هم يقتلوه - 01:00:53

عبدالله بن ابي بن سلول المفترض ان هو ايه مسلم المفترض يقف مع النبي ولا مع يهود بنو نضير اللي حاولوا يقتلوا النبي؟ موقف

الولاء ان عبدالله بن ابي لو كان مسلما انه يفضل واقف مع النبي صلى الله عليه وسلم في ضهره يساعد - 01:01:15

ضياح الولاء ان عبدالله بن ابي بن سلول يسبب النبي ويسبب المسلمين ويروح على اليهود يقول لهم لان اخرجتم ها لنخرجن معكم

ولنطيق ولا نطيع فيكم احدا ابدا. وان قتلتم - 01:01:33

لننصرنكم على مين على النبي على المسلمين سننصرنكم ده اسمه ايه ضياح لقضية الولاء احنا النهاردة بنسميها في في المصطلح

العام عندنا بنسميها خيانة عظمى تخيل النهاردة حد من من الجيش عسكري دخل الجيش - 01:01:49

جميل وبدأ ياخذ اخبار وينقلها لليهود ده حكمه عندنا الحكم العسكري لو عرفنا ان عسكري صور مستندات صور حاجات وقام واخذها

وقام طالع بها مسلا على اليهود قال لهم خدوا المستندات دي دي - 01:02:11

الجيش المصري واتمسك بيتعمل فيه ايه ايه جاسوس خاين دي قضية الولاء والبراء ان شاء الله هنتكلم عنها بالتفصيل باذن الله

تبارك وتعالى الاسبوع القادم تتميما لما يتعلق بسم الله الولي. جزاكم الله خيرا - 01:02:27

سريعا حد السلام عليكم وعليكم السلام ورحمة الله وبركاته بعد خروجي من درس الاربعاء آآ جاءني خبر حادس ابن عمي اصيب فيه

بشلل رباعي فيه عشرة ايام وفاضت روحه الى ربه يوم الجمعة السابقة - 01:02:50

عنده تمنناشر سنة تمنناشر سنة احلفك بالله ان تدعو له بالرحمة والمغفرة وان يصبر والديه اللهم اغفر له وارحمه اللهم اغفر له

وارحمه اللهم اغفر له وارحمه. اللهم عافه واعف عنه. اللهم اكرم نذله. اللهم اكرم نذله ووسع مدخله. واغسله بالماء والثلج والبرد. اللهم

ابدله - 01:03:09

واهل الخير من اهله ودارا خيرا من داره اللهم ابدله اهلا خيرا من اهله ودارا خيرا من داره اللهم نور له في قبره. اللهم اجعل قبره

روضة من رياض الجنة - 01:03:34

ولا تزال حفرة من حفر النار اللهم صبر اهله يا رب العالمين ان لم ادرك صلاة المغرب في وقتها واذنت العشاء وادركت صلاة العشاء

جماعة ماذا افعل؟ صلي العشاء مع الامام - 01:03:45

صلي صلاة العشاء مع الامام وبعد ذلك سلم نصلي المغرب لان العلماء قد قعدوا قاعدة الفريضة تسقط الترتيب صلاة الفريضة تسقط

الترتيب وماذا لو صليت المغرب معهم ثم سلمت ثم خرجت. هل الصلاة صحيحة؟ لا الصلاة ليست صحيحة. لان النبي يقول انما جعل

الامام ليؤتم به - 01:03:59

حكم السفر لبلاد الغرب يجوز بشروط ان يكون السفر لضرورة ان يكون الانسان عنده من الدين ان يكون

الانسان عنده من الدين ما يحفظ به نفسه من الشهوات الموجودة هناك - 01:04:37

ثلاثة ان يكون قادرا على اظهار شعائر دينه اذا توفرت الشروط فلا بأس بالسفر اخت اصيبت بالسرطان المخ وهي تطلب منكم الدعاء

ومن الاخوة الدعاء لها فهي في كرب شديد - 01:04:56

لا يعلمه الا الله يا ريت الاخت صاحبة السؤال تتواصل مع زوجتي وتتواصل مع البنات ورا بحيس اصبح فرض واجب على كل اخواتنا

اللي ورا يروحوا يزوروها ويقفوا معها ويعني يثبتوا قلبها عند هذا الجلل عند هذا الحدث الجلل - [01:05:20](#)
ما ينفعش ان اخت من اخواتنا بين عشية وضحاها تصاب بهذا المرض والاخوات يسيبونها. الاخت صاحبة السؤال ترفع ايديها ترفع ايديها دلوقتي الاخوات كلها بينهم وبين بعض مع زوجتي ورا يرتبوا مواعيد زيارة كده يروحوا يزوروا الاخت ويذكروها بالله وبفضل المرض - [01:05:39](#)

ويذكروها بحسن الظن بالله سبحانه وتعالى. يروحوا يرقوها ويدعوا لها كثير. ده واجب علينا الان. على الاخوات ورا ان شاء الله واسأل الله سبحانه وتعالى ان يشفيها وان يعافئها وان يصرف عنها الضر والسوء انه ولي ذلك والقادر عليه. وان يشفيها هي وكل مرضى المسلمين - [01:05:57](#)

حكم النظر الى الدكتور في الجامعة سنة مؤكدة اقول ايه يعني اقول ايه حكم النظر للدكتور من الجامعة. الله يقول كل المؤمنين يغضض من بس دكتور الجامعة شيخ في التليفزيون - [01:06:18](#)
قل للمؤمنات يغضضن من ابصارهن آآ حد بيقول ان هو يعني متعلق بفتاة وطلب منها الزواج بس امه رافضة هذا الامر هو ببسأل اسيب الفتاة دي وارضي امي اتقدم لها بغير معرفة الامة. لا لا - [01:06:40](#)

ارض امك ارض امك ده اولاد كدين الامر الثاني قواقع مواقع افرض انت النهاردة رحت فعلا تقدمت وتزوجت والام عرفت هتعمل ايه هتفضل دايمًا حاطة في دماغها ان البنت دي هي اللي خطفت ابنها - [01:07:31](#)
وهتفضل حتى بعد الزواج اذا الامور اتصلحت. الام شايقة البنت بهذه الصورة. وهتفضل في مشاكل ابدا ما حييت وهتنتهي بالطلاق المشاكل دي كتير اتعرضت على الواحد. وفي النهاية بتنتهي بمشكلة بتنتهي بكارثة - [01:07:51](#)

نصيحتي اكثر اولاد من الاستخارة استخير ربنا سبحانه وتعالى كتير بعد كده كلم والدتك على ادب البنت وخلق البنت زي ما انت كاتب في رسالة بعد كده خد والدتك او يعني خلي البنت تقابل والدتك ووالدتك تتعرف عليها - [01:08:06](#)
اذا فضلت ام مصممة يعني اترك هذه البنت لله واشتري رضا امك ما معنى قول النبي صلى الله عليه وسلم؟ من عاد لي وليا فقد اذنته بالحرب. هو قول الله سبحانه وتعالى في الحديث القدسي معنى لو ان انسانا صالحا ديننا على خلق وعلى دين - [01:08:22](#)

انسان محب لله ومحب لرسوله. جه واحد في يوم من الايام عاداه واذاه عاداه واذاه فان الله سبحانه وتعالى يتولى الحرب على هذا الانسان الذي عاد هذا الولي ان شاء الله حد يبعث لنا معنى بيقول لما انا كنت اقول ازاي اكون ولي لله سبحانه وتعالى؟ هيئة الدرس الجاي بس هو باعت اية بيقول الا ان اولياء الله - [01:08:40](#)
وخوف عليهم ولا هم يحزنون. الذين امنوا وكانوا يتقون. هنتكلم عن مسألة الولاية ان شاء الله. الدرس برضو الجاي ان شاء الله.

عشان نعرف ان مسألة الولاية بقت دروشة بنعرف منهم اولياء الله - [01:09:07](#)
والمعاني المتعلقة بها ولكن كما تعلمون ان الشرطين علشان تكون ولي لله قول الله الذين امنوا وكانوا جزاكم الله خيرا. هذا وصلى الله على نبينا محمد وعلى اله وصحبه وسلم - [01:09:19](#)
- [01:09:32](#)